

# QVÆSTIO MEDICA

## CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XXXI. MARTII  
M. MICHAELE TOVTAIN Doctore Medico, Moderatore.

867

*Est-ne frugalis victus profuso salubrior?*



VÆ vitam adferunt tuenturque causæ, eæ ipsæ mortem atque exitium accersunt: Illa scilicet in caloris & humoris societate arctissimâque coniunctione posita est; hinc naturalis calaritas, & singulis quæ vitâ fruuntur lex imposita, necessitasque moriendi, à quâ vindicare quemquam ne quidem Ars medendi nobis divinitus data potest: calor enim sensum id ipsum quod conglutinavit opificium dissolvit. Intestinarum huius infelicitatis causæ sunt nativæ ficitas & indefinens substantiæ fluor ab inquilino illo hoste *æmulo*. Nempe vt oleum lucernæ flammam fovet, nec vnquam extinguatur nisi deficiente fomite, sic tandiu secundum naturæ leges vivit animal, quandiu nativus calor humidus sui consortio iucundè fruatur, eò autem absumpto corruptio contingit mixtis omnibus communis. In eam perniciem non æquo pede ruunt omnia: Qui ab initio maximè sunt humidus extremam illam ficitatem tardius attingunt: Calidiora autem corpora *accipies* sunt: In primâ enim ætate innox quasi momento medium humiditatis & ficitatis habitum possident, in ipso vigore senio marcescunt.



RO triplicis huius substantiæ iacturâ triplici alimento est opus vnicuique familiari, cibo, potu, spiritu: cibo quicquid solidioris substantiæ effluxit rescimus; quicquid humidioris, potu: aëreæ autem & igneæ substantiæ modum respiratu & arteriarum ope tuemur. Horum vnumquodque quia naturæ nostræ valde dissimile, non potest planè in substantiam mutari, minimeque nobis assimilari nisi variè mutatum & à nativo calore subactum: id autem, benignum licet & purum, tale esse nequit quale ipsum quod effluxit: ideo in omni alimento altera est portio substantiæ nostræ similis & idonea ad corpus alendum, altera discrepans & inepta quæ in venoso genere aut toto corporis habitu cumulata congesta & coacta excrementorum proventum fuscitat præmatura mortis sobolem, obnurat, putret, cumque acrior & calidior evasit inflammationes accendit, tumores profert, atque morborum pene omnium parens est. Hanc movet camarinam ciborum ac potuum intemperantia, quæ quò profusior eò vberior retrimentorum colluvies.



ICTVS ratio alimentorum administratio quædam est; quæ triplex, moderata, exuperans, & deficiens. Prior tantumdem reponit quantum effluxit, vires in eodem statu conservat, innati caloris substantiam & temperiem tuetur, excrementis modum adhibet. Exuperans profususque victus saginat & molem amplificat: sed lubricus est & periculi plenus five vasa copiâ distendat, five vires imbecillas premat. Deterior omni fame sagina, magnam quippe colligit vim excrementorum, unde calori nativo certa perniciēs impendit; morbi quoque, etiam ex calidis cibis, frigidi fuscitantur. Deficiens victus copiâ vel qualitate vel frequentia cibi definiendus, vires non mediocriter minuit, præsertim tenuissimas, qui in solis acutis morbis locum habet. At frugalis seu moderatus, qui ex modicè ingestis cibis semi-saturum hominem è mensa discedere docet, salubris admodum est: crudos enim humores coquit & emendat, tenuem dissipat, obstructions expedit, corpus pervium patensque reddit, omnium excrementorum vacationem promovet. In sanis & ægris modus omnium optimus, immoderatio quæque fugienda: tuendæ siquidem sanitatis præcipua ratio est non satari cibis. Vt enim copia ciborum coctionem interpellat ipsiq; humoribus quandam quasi labem aspergit, sic parcius cibis naturæ gravior acceptiorque est, ab eaque commodius conficitur.



AC sola frugali dietâ primi parentes diutius & salubrius vivere, nullo quippe profuso cibo vires alebant, sed sobrietate inculpatam vitam tuebantur, ad invictum robur habiles artus firmabant. Veteres Romani ita frugalitate fuere insignes vt solâ aquâ & parco victu per multa secula prolixius vixerint. Salubris Persarum mensa, quæ tenui victu naturæ desideria explebat, vt familiaribus distendi epulis nemini liceret. Annon Sicularum symposia (apud quos *Asiaticus* templum) Atheniensium convivii tutius postponenda: Equidem Democraticæ mensæ quam Satrapicæ & Lucullæ pluris debetur. Platonem non alia erant obsonia quam sal, olivæ, caseus & quædam olea, unde quos corna exceperat in posterum etiam benè habebant. Galeno fuit inoffensa sanitas quoties ad satietatem nunquam comedit aut bibit. Ad Zenonis igitur parsimoniam Iurones & comedones releguntur, qui ad faces & cereos viventes parco & simplici victu vt doceantur: In tantâ enim alimentorum copiâ varia esculenta obsoniorum artes offeruntur gulæ irritamenta, cruda coctis miscentur, assa elixis, hocque cibo multiplici & dissimili in ventriculo promiscuè affatim congesto nutritia labefactantur organa; & singularis quædam nascitur putredo dum alia citius alia tardius coquuntur & in corpus distribuuntur: vt verè illud videatur esse dictum, pluribus intemperantiam quam gladium perniciem attulisse.



D victus rationem tum sanis tum ægris probè instituendam, temperies, ætas, anni tempus & consuetudo cognita esse debent. Calidis & humidis naturis plurimo sanguine refertis ea vitæ lex competit quæ parcius est, ad plethoram minuendam quæ ad putredinem proclivis est: Pituitosis comoda maximè est frugalis vita; Melancholici à cibo diutius abstinent quia minus appetunt: Solis biliosis aduersatur inedia, quam etiam impura corpora ægrè quamvis tuto ferunt. Pueris licet copiosior cibis conveniat, ob caloris plura & celerius conficientis robur, ab hoc tamen graves iis inferuntur noxæ, cruditates, vomitus, diarrhoeæ, similesque humidi & putridi affectus: Adolescentes temperati similem possulant victum: Qui parcius iuvenibus est concedendus: Senibus quibuslibet profusa nocet dieta. Hyeme multa sed rarè sunt offerenda: Vere, vt in habitu plethorico, pauca & rarè, siquidem venæ tunc multo sanguine turgentes vacatione indigent: Ætate sapius sed in minima quantitate: Autumnus, quia inæqualis, variam quoque vitæ rationem postulat. In omnibus quæ sunt assueta sine damno non mutantur: sed gaudeat qui didicerit parvo contentus vivere: is profectò & corpore & animo sanus diu feliciterque deget.

*Ergo frugalis victus profuso salubrior est.*

Proponebat Lutetiæ ISAAC RENAUDOT Iuliodunensis. A. R. S. H. M. DC. XXXIX.

PLAT. BIBLIOTHECA

314.